

Na osnovu člana 56. Zakona o organizaciji organa uprave u Federaciji Bosne i Hercegovine („Službene novine Federacije BiH“ broj: 35/05), člana 27. Zakona o raseljenim osobama i povratnicima u Federaciji Bosne i Hercegovine i izbjeglicama iz Bosne i Hercegovine („Službene novine Federacije BiH“ broj: 15/05), i Uputstva o načinu i procedurama za odabir korisnika pomoći koja se dodjeljuje u okviru Regionalnog programa stambenog zbrinjavanja („Službeni glasnik BiH“ broj: 69/13), Federalno ministarstvo raseljenih osoba i izbjeglica u saradnji sa Ministarstvom za ljudska prava i izbjeglice **objavljuje**

J A V N I P O Z I V

raseljenim osobama u Federaciji Bosne i Hercegovine i povratnicima u Republici Srpskoj za podnošenje prijava za pomoć u stambenom zbrinjavanju u okviru Regionalnog programa stambenog zbrinjavanja (RSP u BiH)

Pomoć za stambeno zbrinjavanje u okviru Regionalnog višegodišnjeg programa stambenog zbrinjavanja (RSP) se dodjeljuje raseljenim osobama u Federaciji Bosne i Hercegovine i povratnicima u Republiku Srpsku u vidu:

- a) osiguranja kuća kroz obnovu/sanaciju/adaptaciju/dogradnju/izgradnju individualnih stambenih jedinica po sistemu “ključ u ruke”,
- b) osiguranja stanova kroz obnovu/sanaciju/adaptaciju/izgradnju stambenih jedinica u uništenim i oštećenim stambenim zgradama u skladu sa propisanim standardima (Standardi za obnovu i izgradnju stambenih jedinica i objekata u svrhu zbrinjavanja povratnika, „Službeni glasnik BiH“, broj: 74/2012 od 24. 09. 2012. godine, uključujući i standarde iz CEB politike za zaštitu životne sredine), kao i kroz izgradnju neprofitnog socijalnog stanovanja, i
- c) smještaja u ustanovama socijalne zaštite.

Pomoć u stambenom zbrinjavanju iz stava b) i c) aplikanti će moći naznačiti u obrascu Prijave na Javni poziv, a obrada aplikacija će se vršiti u skladu sa posebnim uputstvom za dodjelu pomoći.

Sredstva će se osigurati iz kontribucija donatora u Fondu Regionalnog stambenog programa kojim upravlja Razvojna banka Vijeća Evrope.

Koordinator Projekta je Ministarstvo za ljudska prava i izbjeglice Bosne i Hercegovine, a implementator Projekta je Federalno ministarstvo raseljenih osoba i izbjeglica.

I - Opći kriteriji/uslovi za dodjelu pomoći

Opći kriteriji/uslovi za utvrđivanje potencijalnih korisnika pomoći za obnovu i rekonstrukciju i izgradnju stambenih jedinica u okviru Regionalnog programa stambenog zbrinjavanja (RSP) su:

- a) korisnik je raseljena osoba u Bosni i Hercegovini koja boravi na području Federacije Bosne i Hercegovine, i želi da se vrati u svoje prijeratno prebivalište na teritoriji Republike Srpske,

- b) korisnik je povratnik u Republici Srpskoj, a živi u nezadovoljavajućim uslovima,
- c) korisnik je raseljena osoba u Federaciji Bosne i Hercegovine, a zbog opravdanih specifičnih razloga nije u mogućnosti da se vrati u prijeratno mjesto življenja i u potrebi je za adekvatnim stambenim zbrinjavanjem, uključujući različite modele neprofitnog-socijalnog stanovanja i smještaj na neki drugi način u mjestu raseljenja,
- d) korisnik je raseljena osoba iz perioda 1991 – 1995. godine neovisno od trenutnog formalno – pravnog statusa, koji je u potrebi za adekvatnim stambenim zbrinjavanjem,
- e) korisnik je vlasnik, suvlasnik ili posjednik stambene jedinice koja je predmet rekonstrukcije ili nosilac stanarskog prava,
- f) korisnik je na dan 30. 04. 1991. godine imao prebivalište u stambenoj jedinici koja je predmet rekonstrukcije,
- g) korisnik i njegovi članovi domaćinstva od 1991. godine nemaju na teritoriji BiH drugu stambenu jedinicu koja se smatra uslovnom za stanovanje, a u skladu sa odgovarajućim standardima o minimumu stambenih uslova i nisu ranije primili pomoć za stambeno zbrinjavanje dovoljnu da zadovolji odgovarajuće standarde o minimumu stambenih uslova,
- h) korisnik nije dobrovoljno raspolagao svojom imovinom ili stanom iz 1991. godine (prodaja, zamjena, poklon).

II - POSEBNI KRITERIJI ZA ODABIR KORISNIKA POMOĆI

Posebni kriteriji ranjivosti prema kojima se određuje pripadnost ugroženim kategorijama su:

- a) Korisnici koji žive u nedostojnim uslovima, kao što su domaćinstva:
 - bez tekuće vode,
 - bez struje,
 - bez sanitarnih uslova i sl.;
- b) Osobe sa invalidnosti/onesposobljenjem koje imaju umanjene mentalne ili fizičke sposobnosti usljed bolesti, ozljeda ili ranjavanja koje ometaju normalne svakodnevne aktivnosti i potrebe koje treba riješiti kako bi se omogućilo da te osobe funkcioniraju;
- c) Osobe sa teškim zdravstvenim stanjem/hronični bolesnici, kao što su osobe koje trebaju medicinski tretman i njegu, u uslovima koji mogu uticati na identifikaciju trajnog rješenja;
- d) Domaćinstva čiji su nosioci samohrani roditelji, staratelji ili hranitelji sa jednim ili više maloljetnih članova;
- e) Osobe ili parovi koji žive same bez podrške porodice, a koje su starije od 60 godina;
- f) Žene suočene sa rizikom usljed svoga spola, kao što su:
 - samohrane majke,
 - udovice,
 - žene žrtve nasilja i sl.;
- g) Maloljetnici sa roditeljem/ starateljem/hraniteljem koji su posebno izloženi riziku, kao u slučajevima:

- kada ne pohađaju školu,
 - kada imaju posebne obrazovne potrebe,
 - kada su u sukobu sa zakonom,
 - maloljetni supružnik i sl.;
- h) Maloljetnici koji trenutno žive bez roditeljskog staranja ili drugog zakonitog pazitelja/staratelja;
- i) Potrebe za posebnom pravnom i fizičkom zaštitom, kao što su:
- porodice poginulih boraca,
 - porodicenestalih osoba, porodice umrlih civilnih žrtava rata,
 - bivši ratni zarobljenici/logoraši,
 - žrtve zlostavljanja ili nasilja, uključujući nasilje u porodici i nasilje na osnovu spola – bilo da se radi o nasilju u zemlji porijekla, za vrijeme sukoba ili zemlji prihvata,
 - pripadnici kategoriji manjinskih povratnika i sl.

III – DOKUMENTI KOJIMA SE DOKAZUJE ISPUNJAVANJE OPĆIH KRITERIJA

1. Raseljena osoba u BiH svoj status dokazuje potvrdom/pravosnažnim rješenjem nadležnog organa općine privremenog boravka o statusu raseljene osobe.
2. Povratnik svoj status dokazuje potvrdom nadležnog organa općine povratka o statusu povratka uz kopiju CIPS – ove lične karte izdate u mjestu prebivališta i potvrde o prijavi prebivališta.
3. Ispunjavanje općih kriterija po okolnostima iz Odjeljka I, stav d), dokazuje se potpisanom i ovjerenom izjavom podnositelja prijave uz saglasnost podnositelja prijave za prosljeđivanje ličnih i ostalih podataka u cilju provjere tačnosti i vjerodostojnosti, uključujući i provjere po službenoj dužnosti.
4. Dokumenti kojima se dokazuje vlasništvo/suvlasništvo/posjed ili stanarsko pravo nad stambenom jedinicom koja je predmet rekonstrukcije su:
 - a) ZK (zemljišnoknjižni) izvadak/izvod iz katastarske evidencije, ne stariji od 6 (šest) mjeseci, i/ili
 - b) CRPC odluka – odluka Komisije za imovinske zahtjeve izbjeglice i raseljene osobe, i/ili
 - c) Pravosnažno rješenje o povratku/stanarskog prava – rješenje nadležnog općinskog organa o povratku i/ili uvođenju u posjed.
5. Uvjerenje o kretanju podnositelja zahtjeva za rekonstrukciju, koje izdaje nadležni organ unutrašnjih poslova dokazuje da je korisnik pomoći na dan 30. 04. 1991. godine imao prebivalište u stambenoj jedinici koja je predmet rekonstrukcije. Potrebno je priložiti original uvjerenja o kretanju ili ovjerenu kopiju. U izuzetnim slučajevima, kada se uvjerenjem o kretanju ne može pouzdano utvrditi prebivalište na dan 30. 04. 1991. godine, kao dokaz prebivališta pribavlja se izjava 2 (dva) svjedoka, ovjerena od strane nadležnog organa općine povratka.
6. Ispunjavanje općeg kriterija pod tačkama e) i f) Odjeljka I, dokazuje se potpisanom i ovjerenom izjavom podnositelja prijave za prosljeđivanje ličnih i ostalih podataka u cilju provjere tačnosti i vjerodostojnosti, uključujući i provjere po službenoj dužnosti.

Uz navedene dokumente potrebno je dostaviti kućnu listu i ovjerene kopije ličnih karata za punoljetne članove navedene na kućnoj listi, a za maloljetne članove izvod iz matične knjige rođenih.

IV - NAČIN DOKAZIVANJA I PROVJERE ISPUNJAVANJA POSEBNIH KRITERIJA

Ispunjavanje posebnih kriterija, korisnik označava u obrascu prijave, uz potpisanu i ovjerenu izjavu sa saglasnošću podnositelja prijave za prosljeđivanje ličnih/osobnih i ostalih podataka u cilju provjere tačnosti i vjerodostojnosti.

Prilikom dodjele pomoći, korisnici koji ispunjavaju opće uslove propisane Uputstvom, dužni su dostaviti dokaze o ispunjavanju posebnih kriterija na osnovu kojih su njihove prijave vrednovane.

U slučajevima kada se ustanovi da su pojedini korisnici dali netačne podatke u prijavi i neistinite navode u izjavi i da ne ispunjavaju posebne kriterije na osnovu kojih su njihove prijave vrednovane, korisniku će se umanjiti pripadajući broj bodova dodijeljen po osnovu određenog kriterija koji nije ispunjen.

V – PODNOŠENJE PRIJAVA I DOKUMENATA

Prijave se podnose na propisano popunjenom obrascu sa dokazima o ispunjavanju općih i posebnih kriterija na adresu: Federalno ministarstvo raseljenih osoba i izbjeglica, Alipašina br. 41, 71 000 Sarajevo, sa naznakom: **„ZA JAVNI POZIV raseljenim osobama u Federaciji Bosne i Hercegovine i povratnicima u Republiku Srpsku za podnošenje prijava za pomoć u stambenom zbrinjavanju u okviru Regionalnog programa stambenog zbrinjavanja (RSP u BiH)“.**

Prijave se preuzimaju u prostorijama Federalnog ministarstva za raseljene osobe i izbjeglice, Vilsonovo šetalište br. 10, na web stranici www.fmroi.gov.ba i općinama boravka i povratka.

Javni poziv ostaje otvoren 30 dana od dana objavljivanja u dnevnim novinama „Nezavisne novine“, „Dnevni list“ i „Oslobođenje“.

Nepotpune i neblagovremene prijave neće biti uzete u razmatranje.

VI - Korisnici Regionalnog programa stambenog zbrinjavanja mogu biti identificirani i izabrani iz baza podataka Federalnog ministarstva raseljenih osoba i izbjeglica, a koje uključuju rezultate Javnog poziva Projekat „Povratak u Istočnu Hercegovinu (Bileća, Gacko, Trebinje, Istočni Mostar, Berkovići, Ljubinje i Nevesinje) objavljenog 2009. godine, Javnog poziva Projekat „Povratak raseljenih osoba sa boravištem u Federaciji BiH u općine na području Federacije BiH, izbjeglica iz BiH i povratnika sa boravištem u općinama Federacije“ objavljenog 2010. godine i Javnog poziva izbjeglicama iz Bosne i Hercegovine, raseljenim osobama u Bosni i Hercegovini i povratnicima u Federaciju Bosne i Hercegovine za podnošenje prijava za obnovu i rekonstrukciju stambenih jedinica u cilju povratka na područje općina Federacije Bosne i Hercegovine i Republike Srpske, objavljenog 2012. godine.

MINISTAR

mr. Adil Osmanović

Broj: 01-36-1-134-28-1/13

Sarajevo, 01. 10. 2013. godine